



Nuuk 17. jun. 10

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut:

1. **Meeqqat Atuarfianniit naammassisut AFS aqqutigalugu nunanut allanut ukiiartortartut amerlanerulernissaat Naalackersuisut sulissutiginnissaat eqqarsaatigisinnaanerlugu?**
2. **AFS-ertartut 18-it inorlugit ukiullit pisortaniit aningaasatigut qinnuteqaqqaanngikkaluarlutik toqqaannartumik efterskolertartutuulli taperneqartalersinnaanissaat Naalackersuisut eqqarsaatigisinnaanerlugu?**
3. **Inersimasut qitornaqalereersimasut tuluttut pikkorissarniarlutik nunanut allanut ukiiartorusuttut sutigut pisortaniit ikiorneqarnissamik periarfissaqarpat?**

(Inatsisartunut ilaasortaq, Malik Berthelsen, Siumut)

Tunnqavilersut:

Kisitsisitigut takuneqarsinnaavoq ukiumut AFS aqqutigalugu nunanut allanut ukiiartortartut inuusuttut 60-70-it missaaniittartut efterskolertartunut sanilliullugit ikinneerarsuusut.

Isumaga malillugu tuluttut pikkorissinissaq siunertaralugu nunanut allanut ukiiartortarneq efterskolertarnermiit inuttut oqaatsillu tungaasigut pissarsissutaanerusarpoq. Nalunngilarpummi efterskolertut ukeereeraangamik tamakkiisumik qallunaatut oqalulerneq ajortut illuatungaani AFS-imi ukeereersimallutik angerlaraangamik tamakkiisumik tuluttut oqalulersimallutik angerlartartut, naak ilaatigut AFS-imi ukiineq akikinnerusinnaasaraluarluni.

Efterskolemi atuarniartut sap.ak. 281kr.-nik angalanerannullu siumut utimullu pisortaniit akiliunneqartarput. Illuatungaani AFS-mi atuarniartut **aatsaat qinnuteqaqqaarlutik** angalanerannut pisortaniit taperneqartartut paasitinneqarpunga, atuarnerannullu pisortaniit efterskolertartutuulli taperneqassanatik. Taamaallaat aningaasaateqarfiit ilaannut qinnuteqarnermikkut pissarsisinnaasarput.

Apeqqutit pingajuannut tunngatillugu Oqaatsinik Pikkorissarfik pillugu Inatsisartut inatsisaat nr.14, 6.november 1997-immersumi ilaatigut imatut allassimasoqarpoq: *"Kalaallit nunaanni avataanilu ilinniarfinni, oqaatsinik ilinniarfinni assigisaanilu oqaatsinik pikkorissarnernut oqaatsinillu ilinniartitsinernut aqqutissiuussisuullunilu aqqissuussisassasoq [...]"*.

Tamanna pillugu Oqaatsinut Pikkorissarfiup nittartagaa misissoraluarakku paasissutissanik annerusunik ersittoqanngilaq, aammami ukiut arlallit nutarterneqarsimarparsinnginnami paasiniaaffigaluarlugillu akissanatik!